



**Ebazpena, 2009ko maiatzaren 22koa, Hezkuntza sailburuordearena, eskubaloiko teknikariaren titulazio ofiziala eskuratzeko araubide bereziko irakaskuntzetarako sarbide-probarako deia egiten duena.**

Hezkuntzari buruzko maiatzaren 3ko 2/2006 Lege Organikoak (BOE, 2006ko maiatzaren 4koa) 64.4 artikuluan zehazten duenez Gobernuak, Autonomia-erkidegoei kontsultatu eta gero, kirol irakaskuntzetako ikasketei dagozkien titulazioak; berorietako bakoitzaren curriculumaren oinarrizko aldeak; eta zentroek kirol irakaskuntzak emateko gutxieneko betebeharrak ezarriko ditu.

Araubide bereziko kirol irakaskuntzaren antolaketa orokorra ezartzen duen urriaren 24ko 1363/2007 Errege Dekretuak kirol irakaskuntzetara sartzeko bidea arautzen du, besteen artean. Horrela, ikasketak egin nahi duenak baldintza orokorrak betetzeaz gain, kirol arloko baldintza espezifikoak ere bete beharko dituela ezartzen du, eta baita azken hau egiaztatzeko proba espezifiko bat gaingitu beharko dela ere. Bigarren Xedapen Iragakorrak ezartzen du, abenduaren 19ko 1913/1997 Errege Dekretuaren babesean ezarri ziren kirol espezialitateetako titulu eta irakaskuntza berriak sortu artean, titulu eta irakaskuntza minimo bakoitza arautzen duen Errege Dekretuaren arabera irakatsiko direla, aipaturiko bigarren Xedapen Iragakorreko 2. eta 3. puntuetan zehazten diren alderdiak izan ezik.

Gero, martxoaren 3ko 361/2004 Errege Dekretuak (martxoaren 29ko EAO) eskubaloiko espezialitateko kirol-teknikariaren eta goi-mailako kirol-teknikariaren tituluak ezarri zituen, baita gutxieneko irakaskuntzak eta horietan sartzeko probak eta baldintzak ere.

Ebazpen honen bitartez, beraz, kirol-irakaskuntza horietan sartzeko probaren deialdia eta erregulazioa egiten dira, 2008-2009 ikasturterako.

Horiek horrela, sailburuordetza honek hauxe

#### **EBATZI DU:**

#### **Lehenengoa.- Xedea eta aplikazio-eremua.**

Eskubaloiko espezialitateko kirol-teknikariaren eta goi-mailako kirol-teknikariaren tituluei dagokien 2008ko sarbide-probarako deia egiten da Euskal Autonomia Erkidegorako.



**Bigarrena.- Deialdia norentzat den.**

**1.- Baldintza akademikoak betetzen dituzten ikasleak.**

- a) Derrigorrezko Bigarren Hezkuntzako Graduatuaren titulua edo ondorio akademikoetarako baliokidea den beste titulu bat behar da, baita bosgarren puntuari ezarritako berariazko sarbide proba gainditzea ere.
- b) 1363/2007 Errege Dekretuaren hamabigarren Xedapenean Gehigarrian aipatzen diren baldintzetako bat egiaztatzen bada, nahikoa izango da sartzeko, izan ere, aurreko puntuari aipatutako baldintza akademikoaren balioa izango du.
- c) Irakaskuntzen maila ertaineko edozein espezialitateko azken ziklora sartzeko, beharrezkoa da egiaztatzea maila ertaineko hasierako zikloa gaindituta dagoela, dagokion kirol espezialitate edo modalitatean.

**2.- Baldintza akademikoak betetzen ez dituzten ikasleak: Heldutasun-proba**

Aurreko paragrafoak ezarritakoa gorabehera, adin-baldintzak bete eta ebazpen honetako zazpigarren puntuari zehaztutako heldutasun-proba gainditzen duten ikasleek ere izango dute irakaskuntzotan sartzea.

**Erdiko Mailan sartzeko**, gutxienez 17 urte eduki edo bete beharko dira proba egiten den urte naturalean, eta proba bat gainditu beharko da, ikasleak egiazta dezan badituela dagokion heziketa-zikloko irakaskuntzak atarramentu onarekin egiteko behar diren gaitasunak. Probak bi zati edukiko ditu: proba orokorra eta berariazko proba.

**Hirugarrena.- Goi-mailako kirolariak edo errendimendu handiko kirolariak edo baliokideak salbustea sartzeko proba eta betebeharretatik.**

1.- Hezkuntzari buruzko maiatzaren 3ko 2/2006 Lege Organikoaren 67 eta 85 artikuluetan eta urriaren 15eko 10/1990 Kirol Legearen 53 artikuluan zehazten denaren arabera, goi-mailako kirolaria edo errendimendu handiko kirolaria dela egiaztatzen duena salbustuta egongo da kirol-irakaskuntza hauetara sartzeko behar diren baldintza espezifiketatik.

2.- 1363/2007 Errege Dekretuaren hamabigarren Xedapen Iragankorrari jarraituz, abenduaren 19ko 1913/1997 Errege Dekretuaren babesean ezartzen diren titulu eta irakaskuntzen modalitate eta espezialitate berriak sortu artean, irakaskuntza hauetan sartzeko proba



espezifikokoak egitetik salbuetsita egongo dira aipaturiko xedapenean zehazten diren kasuetan dauden pertsonak.

**Laugarrena.- Sarbide-proba egokituak urritasunak edo ezintasunak egiaztatzen dituztenentzako.**

1.- Pertsona urritu edo ezinduek eskabideak egiten badituzte eskubaloiko espezialitateko kirol-teknikariaren tituluari dagozkion irakaskuntzetan sartzeko, erakunde eskumendunek luzatutako minusbaliotasun-ziurtagiriak ere aurkeztu beharko dituzte.

2.- 1363/2007 Errege Dekretuaren hirugarren Xedapen Gehigarria betez, eta hala egokituz gero, Hezkuntza, Unibertsitate eta Ikerketa Sailak pertsona adituen laguntza edo txostenak eskatu ahal izango ditu epaimahaiak izangaien urritasun-maila edo mugak aztertu, eta eskubaloiko espezialitateko irakaskuntzak atarramentu onez egin, ziklo bakoitzari dagozkion gaitasunak lortu eta lanean aritu ote daitezkeen baloratzeko.

3.- Epaimahai horrek, bidezko iritziz gero, egokitu egingo ditu aipatu egoeran dauden izangaiek gaingitu beharreko berariazko sarbide-probak; nolana ere, errespetatu egingo dira esandako Errege Dekretuaren 2. artikuluan ezarritako helburuen funtsa eta Eskubaloiko espezialitateko Kirol-teknikariaren tituluari dagokion gutxieneko irakaskuntzen helburuak.

**Bostgarrena.- Baldintza akademikoak betetzen dituzten ikasleentzako berariazko proben edukia. Kirol-teknikarien irakaskuntzetarako sarbidea.**

Eskubaloiko espezialitateko kirol-teknikarien irakaskuntzetara sartzeko berariazko probak eta kirol-betebeharrak.

**1.- Helburua eta egitura**

Eskubaloiko espezialitateko teknikarien irakaskuntzetara sartzeko proben helburua da izangaiek frogatzea egoera fisiko egokia eta berariazko trebezia aski dituztela, aukeratu duten prestakuntzari atarramentu ona ateratzeko beste alegia.

Probek bi zati izango dituzte:

- Lehenengoaren helburua irakaskuntzan sartu nahi dutenak eskubaloiko oinarrizko mugimendu teknikoak egiteko gauza diren baloratzea izango da.

- Bigarrenaren helburua jokoaren ezagutza eta ulermena baloratzea izango da.



## 2.- Probak

Izangaiak aukera bakarra izango dute ariketa bakoitza egiteko, eta bakarka ariko dira, jendaurrean egingo den zozketaz ezarriko den parte-hartzeko ordenari jarraiki.

### 2.1 Lehen zatia: zirkuitu teknikoa

- Helburua: Irakaskuntzan sartu nahi dutenen trebetasun motorra baloratzea, hain zuzen ere eskubaloiko oinarritzko mugimendu teknikoak egiteko gauza diren.

- Edukia. Izangaiak epaimahaiak ezarriko duen ibilbidea egin beharko du eskubaloiko jokaleku batean, epaimahaiak berak ezarritako denboran; ibilbidean ondoko ariketak egin beharko ditu:

- a) Baloirik gabe, korrika egin sigi-sagan 6 oztoporen artean (banderatxoak edo zutoinak).
- b) Baloia bost aldiz jaurti eta jaso hiru metrora jarritako erreferentzia batean paratuta (horma, panela,...).
- c) Baloiari bote eraginez, korrika egin sigi-sagan 6 oztoporen artean (banderatxoak edo zutoinak).
- d) Baloia lagun bati pasatu, desmarkea egin oztopo (banderatxoa edo zutoina) baten atzetik eta gero atzera baloia jaso.
- e) Baloiari bote eraginez korrika egin eta jaurtiketa librearen marraren eta ate-marraren artean atera jaurti.
- f) Leku jakin batetik eskubaloiko berariazko defentsa mugimenduak egin (kulunkatu) eskuinera, ezkerrera, aurrera eta atzera, eta 3 metrora jarritako erreferentziak (konoak, zutoinak, banderatxoak,...) ukitu.
- g) 20 metro korrika egin zuzenean.

### - Ebaluazioa:

Proben lehen zatia gainditutzat joko da izangaiak ibilbide teknikoa epaimahaiak ezarritako denboran eginez gero ondoko akats hauek egin gabe:

1. Bi erreferentzia baino gehiago bota.
2. Baloiaren kontrola galdu.
3. Erreferentzia bat baino gehiago bota edo baloia galdu.
4. Baloia behin baino gehiagotan galdu.
5. Baloia behin baino gehiagotan galdu, falta teknikoren bat egin (boteko bikoitza, urratsak, ate-eremua zapaldu, etab.) edo aterako jaurtiketan kale egin.
6. Erreferentzia bat baino gehiago bota.

### 2.2 Bigarren zatia: Jokoaren ezagutza eta ulermena

- Helburua: Jokoaren ezagutza eta ulermena ebaluatzea.



- **Edukia.** Izangaiak eskubaloiko partida bat jokatu beharko du, 10 minutukoa, "lau lauren kontra" moduan, hau da, talde bakoitzean zelaiko 4 jokalaria eta atezaina ari direla, eta bere trebezia teknikoa eta eskubaloia printzipioen eta funtsen ezagutza eta ulermena aplikatu beharko ditu.

- **Ebaluazioa:**

a) Atezainen jarduna ez da kontuan hartuko.

b) Sarbide-probetan parte hartzen dutenek aukera bat bakarrik edukiko dute ariketa egiteko, eta epaimahaiak ondokoak ebaluatuko ditu:

Nola aplikatzen dituzten trebezia teknikoan jokoan.

Eskubaloia printzipioen eta funtsen ezagutza eta ulermena.

### **Seigarrena.- Azken ebaluazioa**

Probetan «gai» edo «ez-gai» kalifikazioak emango dira soilik. Sarbide-probaren bi zatiak gaitu beharko dituzte izangaiak «gai» kalifikazioa ateratzeko.

### **Zazpigarrena.- Kirol-teknikarietarako sarbide-probak baldintza akademikorik betetzen ez duten ikasleentzat.**

- **Norentzat:** Heldutasun-proba honetan parte hartu ahal izango dute azaroaren 8ko 1363/2007 Errege Dekretuak, kirol-teknikarien tituluak lortzeko irakaspenak araubide bereziki ematen dituenak, kirol-irakaspenetan sartzeko ezarritako baldintza akademikoak betetzen ez dituzten ikasleak.

Aipaturiko errege dekretuaren lehenengo xedapen iragankorrean aurreikusitako behin-behineko aldiaren emango diren kirol-prestakuntzetan sartu nahi dutenek ere parte hartu ahal izango dute.

**Helburua:** irakaskuntza hauek atarramentu onez egiteko ezagutza eta trebetasun aski badela frogatzea.

- **Edukia:** proba bat, bi zati dituen: zati orokorra eta berariazko zatia.

**A) Zati orokorra.** Bi ariketa izango ditu, Derrigorrezko Bigarren Hezkuntzako oinarritzko ezagutzei lotuko zaizkienak, ondoko esparruetakoak.

1.- Lehen ariketa: gizarte- eta hizkuntza-esparrua.

Ondorengo lau irakasgaietatik hiruri dagozkien galderak aukeratuko ditu ikasleak: Euskara eta Literatura, Gaztelania eta Literatura, Atzerriko Hizkuntza (Ingelesa edo Frantsesa) eta Gizarte Zientziak, Geografia eta Historia. Gehienez ere, 2 ordu eta 15 minutu emango dira.

2.- Bigarren ariketa: zientzia- eta teknologia-esparrua.

Ikasleak ondoko hiru irakasgaietako biri buruzko galderei erantzungo die: Matematika, Biologia eta Geologia, Fisika eta Kimika. Gehienez ere, 2 ordu eta 15 minutu emango dira.



Zati hau kalifikatzeko bi ariketen kalifikazioen batez besteko aritmetikoa egingo da, eta proba gainditutzat joko da 5 edo gehiagoko puntuazioa ateratzen bada. Probaren emaitza GAI/EZ GAI terminoekin adieraziko da. Ikasleak, zati hau gaindituz gero, irakaskuntza hauetara sartzeko probaren berariazko zatia egin ahal izango du.

**B) Berariazko zatia:** Baldintza akademikoak betetzen dituzten ikasleentzako berariazko probaren egitura, eduki eta ebaluazio-irizpide berak izango ditu.

- Azken ebaluazioa:

Zatietako bat gainditzen ez bada, proba gainditu gabe geratuko da. Probaren guztizko kalifikazioa "ez gai" bada, inola ere ez da emango probaren zatiren bat gainditu izanaren ziurtagiririk.

**Zortzigarrena.- Berariazko probak egin eta berariazko betebeharrak baloratzeko epaimahaia.**

- 1.- Hezkuntza Berriztatze zuzendariak izendatutako epaimahaia arduratuko da probak antolatu, kontrolatu eta ebaluatzeaz.
- 2.- Epaimahaiburu bat eta lau epaimahaikide izango ditu, eta horietako bat idazkari ariko da.
- 3.- Epaimahaiburuak sarbide-probak ebazpen honek ezarritakoaren arabera egitea bermatuko du.
- 4.- Idazkariak egingo ditu proben aktak, baita proben garapena ebazpen honek ezarritakoaren arabera egin dela ziurtatu ere. Epaimahaiburua ez dagoenean, haren ordezkoa izango da.
- 5.- Ondoko titulazioa beharko dute sarbide-probetan ebaluatzaile ariko direnek:

**Egoera fisikoaren balorazioa:**

Eskubaloia kirol modalitatean Goi-mailako kirol-teknikaria edo irakaskuntzarako horren baliokidea.

Berariazko trebezien balorazioa:

Goi-mailako kirol-teknikaria dagokion espezialitatean.

Baldintza akademikoak betetzen ez dituzten ikasleentzako probak:

Bigarren Hezkuntzako irakasleak, probako ariketen espezialitatekoak.

- 6.- Epaimahaiak proposatuta, beharrezko aholkulariak izendatuko dira, bidezko espezialitatekoak.

**Bederatzigarrena.- Sarbide-probarako izena ematea.** Epea eta tokiak.

- 1.- Ikasleak heziketa-zikloa non egin nahi duen, ikastetxe horretan emango du izena sarbide-proba egiteko. Horretarako, inprimaki egokia erabiliko du eta ikastetxeko idazkaritzan eskuratuko diote.

- 2.- Proba euskaraz edo gaztelaniaz egin ahal izango da. Izena emateko orrian adieraziko du ikasleak bere aukera.

- 3.- Era berean, izena emateko orrian adierazi beharko dute ikasleek sarbide-proban garatuko dituzten ikasgaiak.



4.- Ikastetxeek izena emateko orriaren kopietako bat bidali beharko dute Eusko Jaurlaritzako Hezkuntza Berriztatzeko Zuzendaritzara.

5.- Proba egiteko aretora sartzen den ikasleak bere burua identifikatu beharko du baliozko egiaztagiriarekin. Aurkezten ez duena probatik bazter geratuko da.

6.- Hona probarako izena emateko epea eta tokiak:

IKASLEAK	Izena emateko epea	Izena emateko zentroa
Baldintza akademikoak BETETA zein BETE GABE	Ekainaren letik 19ra (biak barne)	"Fray Juan de Zumarraga" BHI ( <a href="http://www.kteodurango.net">www.kteodurango.net</a> )

**Hamargarrena.- Sarbide-proba egiteko toki-egunak.**

Tokia: Behar bezalako aurrerapenarekin emango da horren berri, FRAY JUAN de ZUMARRAGA BHIko web orrian: [www.kteodurango.net](http://www.kteodurango.net) edo ikastetxearen iragarki-taulan.

Sarbide-proba egiteko datak.

A) Baldintza akademikoak betetzen ez dituzten ikasleak.

Zati orokorra:

- Eguna: ekainaren 16a. Arratsaldeko 15:30

Berariazko zatia:

- Egunak: ekainaren 30a.

Proba honen parte bat gaindiduta edukitzeaz ez da ziurtagiri bat emango.

**Hamaikagarrena.- Ikasleak onartzea.**

1. Eskainitako plazak gehiago badira sarbide-probak gainditutako ikasleak baino, ondorengo onarpen-irizpideak erabiliko ditugu:

a) Maila Ertaineko lehenengo urratserako: izangaien Derrigorrezko Bigarren Hezkuntzako eskola dossierra.

b) Goi-mailarako: lehen zikloko azken kalifikazioa.

2. Erreserbatutako plazen portzentajea:

Eskainitako plazetatik, gutxienez %5, ahalmen urritasunen bat dutenentzat izango dira.



Eskainitako plazetatik, gutxienez %10, errendimendu handiko kirolarientzat izango dira. Kopuru honen barruan goi-mailako kirolariek izango dute lehentasuna.

Eskainitako plazetatik, gutxienez %10, proba bidez Derrigorrezko Bigarren Hezkuntzako titulua lortu dutenentzat maila ertaineko irakaskuntzetara sartzeko proben kasuan.

Eskainitako plazetatik, gutxienez %10, federazio-diploma edo, urriaren 24ko 1363/2007 Errege Dekretuko 4. xedapen gehigarri eta 1. xedapen iragankorrari jarraituz, horren baliokidea dutenentzat izango dira.

3. Aurreko hiru baldintza horien bitartez betetzen ez diren plazak gainerako ikasleei esleituko zaizkie beraientzat ezarritako lehentasunaren arabera.

**Hamabigarrena.- Probaren emaitzak argitara ematea eta erreklamazioak aurkeztea.**

1.- Behin-behineko eta behin betiko emaitzak argitara emateko eguna eta tokiak: apirilaren 15etik aurrera probarako izena eman den ikastetxeko iragarki-ohola eta Hezkuntza, Unibertsitate eta Ikerketa Sailaren web orrialdea.

2.- Behin-behineko emaitzak argitaratu eta 48 orduko epearen barruan egin ahal izango erreklamazioa ikasleak. Erreklamazioa epaimahaiburuari aurkeztuko zaio, Ikastetxean.

**Hamahirugarrena.- Probaren balioa eta ziurtapena.**

Proba gainditu duen ikasleak horren ziurtagiria eman diezaiotela eskatu ahal izango du, eta ziurtagiriak Estatu osorako balioko du. Inola ere ez da emango proben zatietako bat gainditu izanaren ziurtagiririk.

Berriazko proba gainditu izanak hemezortzi hilabeterako balioko du, probak amaitzen direnetik kontaktzen hasita.

Vitoria-Gasteiz, 2009ko maiatzaren 22a  
HEZKUNTZA SAILBURUORDEA

Sin.: María Antonia Ozcariz Rubio